

**ქალაქ თბილისის მუნიციპალიტეტის საკრებულო  
განკარგულება №  
—სექტემბერი 2023 წელი**

**ქალაქ თბილისში, საბურთალოს რაიონში, ქოშიგორაზე, ნიკო ჭავჭავაძის ქუჩასთან მდებარე უსახელო ქუჩისთვის და მასთან არსებული ერთი შესახვევისთვის ქართველი ოფიცრის დიმიტრი ჩრდილელის სახელის მინიჭების შესახებ**

საქართველოს ორგანული კანონის - “ადგილობრივი თვითმმართველობის კოდექსი” 68-ე მუხლის პირველი პუნქტის „გ“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:

1. საბურთალოს რაიონში, ქოშიგორაზე, ნიკო ჭავჭავაძის ქუჩასთან მდებარე უსახელო ქუჩას და მასთან არსებულ ერთ შესახვევს მიენიჭოს ქართველი ოფიცრის დიმიტრი ჩრდილელის სახელი, თანდართული რუკის თანახმად.
2. ქ.თბილისის მუნიციპალიტეტის მერიამ, ოთხი თვის ვადაში, უზრუნველყოს ამ განკარგულების შესასრულებლად საჭირო დონისძიებების განხორციელება.
3. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი, №64), კანონმდებლობით დადგენილი წესით.

**საკრებულოს თავმჯდომარე**

**გიორგი ტყემალაძე**

ქ. თბილისის მუნიციპალიტეტის საკრებულოს სახელდებისა და  
სიმბოლოების კომისიის თავმჯდომარეს

ქ-ნ ნინო ვარდოსანიძეს

მოქ: ზოხაძე ეახანიძვიცილი

მცხ: ქ. თბილისი, უიუი ქაიძვიქი №148.2.1

ტელ: 551 474447

პ/ნ: 01024001526

გ ა ნ ც ხ ა დ ე ბ ა

მოგესაუბრები და მოგპაიხთავი თხოვთი ქ. თბილისი საქმეკიბნილი  
სახლის (ს/ნ. 01.72.14.067.036) მოპყვთუ ქუჩას მიენიჭონ  
სახელი

პაიქვიკისეშითი . გ. ქაიძვი





## დიმიტრი ჩრდილელი

(1894-1923)

### ქართველი ოფიცერი, საქართველოს დემოკრატიული რესპუბლიკის არმიის პოლკოვნიკი

დაამთავრა თბილისის კადეტთა ქვეითი სასწავლებელი. I მსოფლიო ომის წლებში პოდპორუჩიკის ჩინით რუსეთის იმპერიის არმიის I გრენადერთა საარტილერიო ბრიგადის რიგებში იბრძოდა დასავლეთის ფრონტზე. ორჯერ დაიჭრა უკრაინის ტერიტორიაზე ბრძოლებისას. ჩავარდნილი იყო ტყვედ გერმანელებთან. 1918-1921 წლებში ჩრდილელი მსახურობდა საქართველოს რესპუბლიკის არმიაში. ჰქონდა მაიორის წოდება. 1921წლის თებერვალში თბილისის დაცვის დროს ტაბახმელას პოზიციებზე მეთაურობდა საარტილერიო ნაწილებს. 21 თებერვალს გაგზავნილ იქნა ტაბახმელას პოზიციებზე და იქ სამხედრო სკოლასთან ერთად იბრძოდა 25 თებერვლამდე. სამხედრო სკოლის უფროსი, პოლკოვნიკი ალექსანდრე ჩხეიძე წერდა: "მაიორი ჩრდილელი ენერგიული და შეუდრეკი ოფიცერი იყო". დამფუძნებელი კრების წევრი რეზო გაბაშვილი იგონებდა: "მივედი ფრონტზედ (ტაბახმელაში), ბრტყელ ბექობზე იდგა ოთხი პატარა, სამთო ზარბაზანი. დახატულივით ლამაზი ვაჟკაცი ოფიცერი ჩრდილელი ბრძანებლობდა ამ ბატარეას". ოკუპაციის შემდეგ დარჩა საქართველოში. იყო "სამხედრო ცენტრის წევრი". დააპატიმრეს 1923 წელს. პოლკოვნიკ გ. ხიმშიაშვილის ძმა, ალექსანდრე, რომელიც იმავე საპატიმროში იმყოფებოდა, სადაც "სამხედრო ცენტრის" წევრები იყვნენ ასე იხსენებს 18 თუ 19 მაისს: "გამოჩნდა კაპიტანი მიტო ჩრდილელი, გამხდარი - ხალათის გასწორებით, დადგა ჩემი საკნის კარების წინ გაუბედავად. შემდეგ მტკიცე გადაწყვეტილების მიღებით, სწრაფად მობრუნდა და ალელვებული ხმით ხმამაღლა წამოიძახა: "უთხარი მათ, რომ მე დამხვრიტეს. კვდები, როგორც შეშვენის ნამდვილ ქართველს". დახვრიტეს სხვებთან ერთად 20 მაისს, დღევანდელი ვაკის პარკის ტერიტორიაზე. თუმცა არსებობს სხვა ცნობაც, რომლის თანახმადაც დიმიტრი ჩრდილელი ცოცხლად დამარხეს.